





對山先生集序

夫詩病於六朝綺麗之辭矣子昂變之而雅興文衰於八代萎弱之習矣昌黎振之而古作蓋中人承學大人虎變苟非其責其道何從此雖人情之習尚而實運會之所關也自五胡亂華中原板蕩斯文元氣凋喪弗存及於元宋迭代作者繼出詩非不興而皆窳成習文雖有作而氣岸弗振迨至我明

神祖闡教

列聖興文文人才士戶牖爭開國初作者尚復渾厚及於弘治氣漸紛靡鬪巧爭能蕪沒先進競一韻之



艷山集 月 一  
艱爭一字之巧上倡下和一趨百隨待人後行誰當  
作者天厭其弊篤生濬哲既弘詩規又開文運三唐  
不能限其踪兩漢不能窺其際馳驅屈宋陵轢班馬  
洗近代之陋成一家之言非才識高邁鍾氣通靈者  
能如此哉故

孝宗臨御拊髀求賢策士得公列置第一朝野快覩  
如鳥歸鳳

皇上喜其得人宰執疾其盛已曹董升堂絳灌瞋目  
是時信陽何仲默關中李獻吉王敬夫號爲海內三  
才而公尤獨步雖三君亦讓其雄也當時語曰李倡

其詩康振其文文章賴以司命學士尊爲標的前失  
作者後啓英明非橫制頽波筆參造化者歟此特公  
之文章耳若夫經綸之學參贊之才上追伊周下陋  
管晏使少自括囊不爲高論功業烜赫文辭掩矣然  
德不遇時害能成謗石抵玉捐鳥逐鳳舉兩君旣逝  
何李厄塞造化忌才人謀何尤或者曰文王囚而大  
易演子輿藏而七篇著天欲公立言表世垂訓作則  
故屈其身俾不大耀焉公歿之六年值中丞東厓翁  
公撫臨關中搜其集付西安守六泉吳君刻之以傳  
前此洪洋趙公嘗欲板行而屬余爲序移文藩司墮



而弗舉今東厓公之刊布與六泉君之欣承是亦有  
數也嗟呼余與先生交好將二十餘年矣其遨遊山  
水討論文藝未始一月無者間嘗語余爲訂其集且  
序之今果序其集如此嗚呼悲哉

嘉靖二十四年乙巳春正月乙巳太微山人張治道  
序

刻對山先生集叙

翰林修撰對山康先生集凡若干篇編次甫成嘗托  
其友比部張太微重加校讎且序之先生逝矣言猶  
在耳於是太微方謀板行適中丞翁東厓訪得其集  
旣已撫卷太息遂檄西安吳守六泉鋟梓呂傳併屬  
予識之竊惟對山諸製作馳驅屈宋陵轢班馬已具  
見於太微序中夫復何言但緬懷平生而感慨益切  
何則昔宋學士王梅溪共稱儒宗匪特掄魁而已沒  
幾十餘年其文集尚藏於家後劉共父帥建康因其  
子聞詩在府每請序諸簡端猶未敢當轉求晦翁代



而弗舉今東厓公之刊布與六泉君之欣承是亦有  
數也嗟呼余與先生交好將二十餘年矣其遨遊山  
水討論文藝未始一月無者間嘗語余爲訂其集且  
序之今果序其集如此嗚呼悲哉

嘉靖二十四年乙巳春正月乙巳太微山人張治道  
序

刻對山先生集叙

翰林修撰對山康先生集凡若干篇編次甫成嘗托  
其友比部張太微重加校讎且序之先生逝矣言猶  
在耳於是太微方謀板行適中丞翁東厓訪得其集  
旣已撫卷太息遂檄西安吳守六泉鋟梓呂傳併屬  
予識之竊惟對山諸製作馳驅屈宋陵轢班馬已具  
見於太微序中夫復何言但緬懷平生而感慨益切  
何則昔宋學士王梅溪共稱儒宗匪特掄魁而已沒  
幾十餘年其文集尚藏於家後劉共父帥建康因其  
子聞詩在府每請序諸簡端猶未敢當轉求晦翁代



筆焉至聞詩守浮光時始刻諸江陵夷考其顛末蓋不知幾歲月矣今對山沒世未久即遇二三知己相與樂成其事如此回視龜齡不為不幸矣然梅溪生雖末季猶遇孝宗諸君特賜及第充館職擢侍御史召權吏部侍郎不拜出守四郡復入為太子詹事進直龍圖閣學士方致仕焉故功業文章早烜赫一時其奏議數十篇尤為人所傳誦云對山生逢

明世且當我

孝廟右文之時擢冠多士詞林允服然首修撰以來十年不調及居憂回籍哀毀踰禮是誠恪守官箴鮮

見其儔者也言官弗知亦已矣反以爲逆瑾同鄉遂論罷終身公論在人固不待辯向使復起圖報尤力侍帷幄則緝熙

聖學知制誥則黼黻皇猷功業文章將與梅溪媲美矣顧垂老山林無由表見縉紳贈答之餘非咲傲乾坤則平章風月彼筆墨蹊徑恐未能拘耳所謂成家之言者觀此益信其他樂府傳奇亦皆可錄然各有別乘已傳於世云

嘉靖乙巳夏六月癸未西陂山人劉儲秀序



對山集後序

嗟乎對山先生天下士也余私慕之久矣洎余來守  
關輔則先生已脩文下地考問無從矣詎非憾哉然  
先生主盟藝苑領袖哲匠者垂四十年頽玉幾何而  
曩昔瑰章瑋帙頽使其壞爛不收謂守土者之一缺  
政誰云不然暇日乃得先生友人張君太微所輯先  
生詩歌書記序銘諸作凡若干卷以示余謀梓焉因  
具達之撫臺今制府翁公檄終其役無費之感噫余  
志也何敢辭乃重以校正托諸張君而畀之良梓梓  
成西陂諸公謂余何可無一言余固述余得籍以抒



其私願於先生而庶幾文獻之究圖者如此嗟乎先生神解精詣畧見於其詩若文經濟謨猷畧見於其廷對一策其英風勁氣軒挺卓踔斷非小物細故所能塵穢蕩搖者則有諸君子之狀銘表傳具在余可無贅也獨悲夫倜儻雋拔如先生或世有如先生者而竟亦弗偶才之所以自愛與其所以愛才者余不能無交望焉耳

嘉靖二十四年秋七月朔日東郡六泉吳孟祺識

### 制策

臣對臣聞天下有不可易之道而常獲於人主有不敢易之心蓋天下之事未有舍道而能集者而道回不可易也心之所向道之弘否所關一有所易則所以脩乎身者必不能實用其力而道之在我知之不明守之不固甫遷於此或轉於彼雖欲勤勵以求治而張弛予奪一無所據窺伺媒孽之輩共起而乘之雖有賢人君子立於其朝漫不相信甚者或斥譴罷去不爲之所天下之治將焉所賴而成乎惟有以真知道



之不可易其心常憂勤惕厲而不敢以毫苟且  
輕率之意雜之於中擇之必精執之必固使用  
人取善各有定則賢否莫吾亂而君子小人不  
相尤既得其人而任之以事則政無不舉而法  
無不振天下之治宜無有不成者矣古之人若  
未有不達於是而能致其治者也亦未有徒達  
於是其心終有易焉而能以無弊者也洪惟  
皇帝陛下以至聖之德撫盈成之運十五年來民安  
物阜雖堯舜禹湯文武之業亦不過此而  
策士之詔乃猶惓惓焉以化之不弘治之不洽爲

念

陛下豈誠有未達於是而猶待於問哉臣有以仰窺  
聖心之於道固有不<sub>自易焉者</sub>也臣嘗謂古今豪傑  
之士不得所遇雖子思孟軻之流亦且徒爾而  
臣之庸昧乃際遇若此臣敢有所諱而不言哉  
臣惟天下之深患在於久安極治而機括所不  
見者莫爲之虞

陛下夙夜兢兢思弘化理此固宜也然用於已不若  
資於人求諸今莫若法乎古古之君心純乎道  
未嘗敢以爲易故其用人行政有非後世之所



能及如啓當禪授之後繼禹之業守之以敬而  
伯益之用終始無間故道之得於禹者無廢墜  
不舉者矣中宗高宗一切信任陟扈傳說之屬  
而又本以嚴恭寅畏恭默思道之心成商之治  
夫豈無所據邪殷之頑民雜於管蔡武庚之手  
武王之澤未洽也使非悔悟於周公篤信於君  
與借有成康繼序不忘之思旌別淑慝之意而  
禮樂之化豈能如詩書所道哉程頤曰聖王以  
求任輔相爲先歐陽修曰君之聖者以辨君子  
與小人蓋政以人而舉人旣存則政自無偏弊

不舉之患而治之在天下者可成也

陛下欲求數君致治之績獨可舍此而他務邪亦惟  
有不敢易之心而已天下之政孰有出於人主  
之心者况用人之際又其本原所自之地哉

聖制所謂簡賢爲輔用君子不惑於小人誠灼見其  
必然而憂勤之心有不能自己者也蓋大君爲  
天地之宗子必有大臣以爲宗子之家相相之  
職所以輔養君德而贊成政化天子不可一日  
無者豈惟夏商周爲然皐夔稷契之流雖堯舜  
之世亦不可無也若其賢與否則必辨之於先



而後可任之於後苟辨之不明用之不當則天下之禍反有不可言者矣何者以匹夫之賤而上與天子共事其所爲操縱予奪者無一不爲天下之所稟受使心術或不正而學識或不醇則其所壞非如有司之一節一端而已故必先有不敢易之心然後修之身者無糾不實修之身者既實則出乎我者無乎不正而人之邪正自無所匿於是擇其賢者而用之則輔相得矣

臣於

今日豈以不得爲憂哉特恐所以待之者不至爾

臣在草野間聞

朝廷用一大臣必極奮動以爲諮謀親信將必有出於恒品之外今上於

京師乃或有未然者臣願

陛下為之禮下務得其心而使盡其職凡遠猷大畧不為群議所詘一政一令必與之深言極論而後布則小人雖欲肆其無所忌憚之私以惑吾聽而其情已先覺矣蓋小人之情不過趨利避害去其所惡而求其所喜者而已然亦必掩之而不甚露故利之來或遜且謝之害之至或以為



所分且蹈之夫辭之不力則得之不固受之不  
力則去之不決及利害至於必不可已則亟去  
與取之恐後也方其有所勉而爲之也其卒不  
可掩者已躍然於甘言悅色之間即此試之小  
人之情可復遁乎旣得其情則宜亟去之去之  
不亟則或爲他巧所中而猶未免於有惑隨有  
即覺隨覺即去如是而已如是則君子小人不  
相充君子小人不相充則動無所妨而天下之  
務自無凝滯不舉之患矣臣請以

聖制所及數者言之禮樂不可以一日無此萬古不

易之論然其與也雖專重其實而亦未嘗遂棄  
其文臣竊見近之所爲禮者踈簡縱逸雖所謂  
儀文之末亦未之有所爲樂者殘缺廢壞雖所  
謂聲容之細亦未之備蓋不得其本而安於苟  
且將就之習固如是也苟學校之教有以振作  
而興起之則人心自無不止之欲而其情自無  
不和之發凡見之宗廟朝廷鄉黨之際自有以  
去其踈簡縱逸之習而補其殘缺廢壞之弊將  
不俟於進退升降而節鐘鼓羽籥而和矣禮樂  
有不興者乎至夫教化之所在其機係於人主



之心而其應屬之天下之庶萃英俊之士使之  
群遊於學讀書窮理且或莫爲之變而欲啟天  
下之愚民使悉歸於禮讓和樂之域固已難矣  
莫若先以恭儉忠厚躬行於上不爲聲色土木  
貨利玩好之所移易而後徐以示於天下天下  
方以前日之侈縱相安而一旦之所聞見乃如  
此其心亦必悚然以思泠然以省苟一二大家  
巨族頓悟而倡改之則人之樂從者衆矣選課  
之法則臣於此有所深惜

祖宗之於士養之以道義而信之以賞罰其用也不  
爲之拘而其課之也幽明殿最各爲之等故人  
皆勉於其官而優於其事比者稍有兵荒而納  
粟買官之人已滿吏部之簿矣雖有才德滯於  
所用之期用未及而顛毛已號種種能以壯節  
自勵者曾幾人哉又况黜陟之施一惟流品是  
視苟不本於科甲之選高官重族未肯輕予則彼  
無所慕於中者又安有所忌於外哉臣願嚴其  
僥倖覲覲之禁使冗懦不職之徒一一謝去選  
惟其才而不盡拘流品試之以官而課之以實  
如蘇洵所謂某人廉吏也有某事以知其廉某



人能吏也有某事以知其能然後因其最否以加賞罰天下之人望以其才自見者亦將知所變矣征賦之病大抵冗耗過多而司會莫爲之省非司會之不省勢不得也自京師言之食之仰於江南歲數百萬而權勢所畜無藉之輩不爲國家分寸之益者乃至百千借其空名以耗實費至有水旱饑饉之變則又加倍以取於江南之民臣聞土日窳則陷繼之江南之民貧甚則江北可晏然以不顧乎況今邊境之擾未甚妥帖前日榆林大同之後馬死食價所費不知

幾千萬而無用之兵又坐食於邊山陝之民丁運之法無不備舉老幼婦孺流離移析外患未除而內地已困寧不爲可懼邪臣欲去冗耗無用之費而革權門招集之弊息江南之民以固根本邊境之擾但以付之良將不用統制之屬帶挾僥倖之徒以耗軍食而又復屯田之實省丁運之苦用固無不足者也兵則先於生養安息之間爲之深計使不受役於私門而得給其俯仰奮迅矯烈之氣又必常振勵之使之無沮喪今有一級之勞而大家右族訶譴奪去不敢仰



視將何所養以自奮乎况夫新舊逃流之兵方以官法逼之復伍釜爨之用俱無可克又其居無親戚往來之接其心之欲去已甚矣衛所之官又以嚴刑深計鉤取其有彼方有欲去之心而此又逐之使去逐矣而不去豈人情哉欲兵之強而二者特不之詳臣所以深慮也用刑之際同照物情而不爲所誑明者皆足以爲之而法之輕重則有一定之制旣得其情必爲之斷使貴賤無異施豪右寡弱無異決則令之所出即無不從天下之奸當必隨禁而革蓋天下皆天子之民刑期於必戮賞期於必得不待命而後知者也豪右之徒有所倚仗得以自脫而寡弱之人駢首就死人之情孰不畏死而不求所以自脫哉此尤

陛下之所宜置念者也夫數者之務酌之於古而行之於今宜有不可易者而其弊猶若此

聖制所謂祛其弊而抹之欲化行政舉如

祖宗創業之初比隆前代者豈有他哉亦取諸人而已孔子曰爲政在人啓以下數君不過中才之主一得其人且足以爲治而况



陛下神聖天縱出於尋常萬萬者哉然臣於此竊有  
說焉蓋政雖舉於有人而身則所以取人之本  
故孔子又曰取人以身欲得人而不先脩乎身  
是其心之所存輕忽率易不能不累於愛憎之  
私而用所不當用舍所不當舍者有矣臣願

陛下急於脩身以端取人之則然所以修身者又非  
勉強矯拂之所能致必自君臣父子夫婦昆弟  
之間以至於動靜語默一事一爲之際常加儆  
畏內省於中果當於理而不悖乎果非其當然  
之則而徇於外誘乎使天理純明私欲淨盡則  
身無有不修而道無有不盡酬酢斟酌自不謬  
於天下之是非苟用乎人其用必當苟發於政  
其發必精治功之隆必能追配

祖宗卓越古昔而有詩書之所不及載者矣彼漢唐  
宋區區小補之治又惡足論哉然臣又聞治不  
患於始之不得而難於終之有繼伏惟

陛下常存不敢易之心以守此不可易之道則  
國家天下之幸非獨臣之幸也臣無任惓惓忠愛  
之至臣謹對

余過濟西對山嘗與余論文曰文以理爲主以



對山集  
氣爲輔出於身心措諸事業加諸百姓有益於  
人國乃爲可貴也今觀茲策切於事務曲盡情  
理苟能舉而行之不止一世雖百世行之可也  
其論君子小人尤人之所不能言而不用統制  
之說尤爲安邊至要且論財賦兵政二者之弊  
與救弊之策皆鑿鑿可以行孰謂對山文士而不  
閑於政理哉

對山集卷之一

琴曲

太白操

太白兮何爲日中兮揚輝昊天兮孔明我陳兮誰聽  
徘徊兮路窮自顧兮傷衷

當歌絕絃

余懷佳人兮山川間之當歌絕絃兮余心孔悲芳年  
不再兮容華易衰咄嗟時命兮噫將尤誰

握手歌

春日遲兮景芳鳥鳴啾啾兮孔陽與君握手兮相將



前度飛坂兮後岡同心之音兮自長矢中夜兮未央  
四言古詩

送閻公甫

表弟公甫刑部以公事便道省墓於馬嵬就過訪  
於許西別業居五日情誼洽矣倏焉將別公甫曰  
弟不敏願有以承兄之教得寡過焉予徃與公甫  
語高不抗卑不污意遠而弗荒指近而不淺奚俟  
於予言而後能寡過者然公甫之意則欲然若無  
也於是爲之說曰於乎今之所謂士大夫者於古  
人之道莫不誦習愛慕以佩之於終身至其見之  
行事則與古人不帝暴越不相及此無他不得其  
旨趣臨事倉皇不學不自眩故遠則矜於荒近則詘  
於室蓋徒欲以抗爲高以污爲卑又惡能與古人  
似也公甫勉哉中庸曰脩身則道立親賢則不惑  
夫欲自立其道非親賢則理不得而道晦晦則惑  
惑則無所徃而不室予重恨世之士大夫竊古人  
之迹肆危峻之論不能近求厥旨以自室也是以  
重與公甫發明此意凡以欲公甫努力於是而已  
聞公甫在京師所與交皆長厚敦樸之士今之所  
論已既示見矣公甫勉哉孟子曰君子之言也不下



帶而道存焉道固未遠夫人也欲遠人以爲道斯子思子所不取矣士大夫何憚而爲危峻之論以至離道之遠哉公甫曰溥不敏請若兄之言於終身今而後或得以寡過矣於是又係之以詩曰

昔余戎祖嘉爾大父迪德履仁克循厥武文定其祥妻我太姑允翼允嚴自求多祜耀德昌朝埒名伊傳墮羽中行談笑靡顧若珠在淵光焰彌鶩沐風茹休良士如赴遺文在編厥聲載路凡我後生畢遵其步其遵伊何匪直其文信道罔飭雖和不群大雅既亡光範式存眷予小子爰視前聞契肖雖忝影響必敦

肆當弱冠其從如雲蓋惟吾弟其學克勤總角於變靡有不臻馬公善鑒於第猶云少宜加養必配古人凡余話言必信且珍放弗謂浼顯詎肯因我閭中蹟予憂寔懃恢時續祖聿大厥門赫赫燁燁卓有令孫分署西曹執平靡眩靖恭是脩堅白必辨武旣不吐柔亦奚先道立舉長君子是羨奉

詔西邁事無弗練

予駕言東肅承清燕折旋孔佳紛糾斯掣回思馬公言豈無見 天子明聖方事安奠欲匡厥猷微汝孰彥我思古人溫恭允塞惟弟其念往焉若畫繫彼哲士前軌孔赫克念則然罔念則或藹藹碩人莫不



是則發言不程逸軌棄轍恒悝未融惟隱之頤率底  
顛覆復奚益安宅子返舊畝爲天子使祛爾繁細允欽  
厥位勿覲狂斐篤操秉義用光爾祖以畢初志滄西  
峩峩淒沮湯湯握手載歌其風肆長酌以大斗佑以  
兕觥子不予醜尚繹勿忘

贈楊秉衡

正德九年二月一日吏部以浙江按察司缺副使  
聞上命知漢中府楊侯往漢中府同知何子奇  
自朝覲歸屬余爲詩表之文旃以贈其行夫蒸民  
之作自彼吉甫由來旣久祖述遂繁楊侯恢德博

才嘉政實德漢民懷之如厥慈母宜不可忘遂爲  
之辭曰

皇明丕興八表咸一已已以來方民罔謐由蜀底冀  
至於鄒密焚蕩猖獗處無三九室六載番番其劇惟漢  
川陝荆襄師旅巨萬民旣化離盜益滋蔓士無宿糧  
將徒永嘆時哉惟侯其德孔惠桓桓發發何有弗濟  
簡我民役咸平靡戾息我民苦巨細必計賊已悉定  
侯乃云遷繫侯之恩漢民是天老幼婦子祝侯萬年  
侯往雖亟侯心則懸漢民誰庇漢土安澤小大咸想  
侯車已策扳轍留侯帝命孔赫民爲侯泣侯爲民咋



其泣匪他感侯如天在營兵燹流散顛連影以形弔  
情與事煎杯水療渴盪飯理餓大惠若此民將焉那  
懷侯豈諛歌德罔過侯惟保哉下民之賀侯才甚明  
侯詣孔直學非遜辭心豈雕飭至孝隆隆斯民是式  
彰善殫惡侯度允得漢水湯湯四月維夏百姓送侯  
于彼江下何君率祖典禮攸攸風微氣和觀者盈疇  
帝德日新侯乘當重霸既登樞憬尤資用詩言不曰  
民心本共欲博嘉休第觀妙誦

五言古詩

於濟西別業同承裕升之作

遂耕愜初願揖世返空林雖非志士理已獲靜者心  
嘉賓青雲客枉駕忽相臨携酒共斟酌張絃揚妙音  
義厚情自叶道合契滋深漪澗河漳川水幽幽南山岑  
相值不相樂柰此逝者侵

哭八弟德綏二十韻

人生豈無死痛此炎蒸日服令志已勤鍼石苦仍悉  
棠棣本同根幽明事難述百雷心隨化空千年與形室  
理壙卜原野背世謝親暱三丘公永不瞻七情卽長謚  
寡親徹夜號聞者心膽栗無口凡誰見懷孤鬼但身畢  
命脆真數微生蹇冥理絀乘凶謹攢三申眞嚴累七



鐸鼓震天揚銘旌帶風逸親  
棺槨方啓輿窆窆一何疾罷  
不見衣履鮮徒聞哭聲溢客  
散堂戶空切切鳴蟋蟀  
亡者安可知存者長哽噎

元日同諸弟宴東序作

自我登科來倏已十三載芳  
感嘆謝 明世徜徉逃隱海本  
是葵藿姿敢塵

廟堂采旭日照 和黻與爾共斟酌歡歌

益瀟灑果叶滄浪心安為 坐氣分流

朱升之祖德詩

玄馭往難返厚澤遠彌新因覩後人孝愈信逝者仁  
琴聲宛在席鶴唳如有聞徒勤翠枝想誰傳素空陳  
名章一爲耀千古詎應泯

寄題時雨亭

妖氛歷昌歲皇鑒勤虎臣誅伐乃邦典焚蕩誠世屯  
旱乾顧恒理惻惻安忍云嬰毛盡蒙戮神鬼應起嗔  
猗與東討日倬哉西靖辰行處足膏澤百穀咸用伸  
王師古所喻天聲今獨聞功成止旦夕蜀民非不馴  
尚祈保羸之永令歸樸淳

四月七日雨中同文浮山坐作



初夏草木長鳴雨更相逼來牟生意佳枝旃望如織  
陽日不下臨此物終且蝕往者已已夏頗爲旱乾棘  
徂春苦無雨兩麥俱豐意因懷老農語往往未差忒  
窮居繁口食所恃耕耨力明日更如此與君甚胸臆  
子卿泣別圖

積怨世豈惻感別會仍艱置酒話夙管詎終千萬端  
嘆息淚沾臆徒令攘肺肝昔爲雙飛龍今爲孤翼鸞  
丈夫耻微諒况爾烈士顏躍馬窖上別欲歸中自難  
徒切報主恨安悔軍吏言勝負有微數奮勵心所安  
所以君子人不處嫌疑間

贈用昭

宿志苟如此棄捐安足言賦性本迂薄長遊適茲年  
雖被群口紕尚慕夷惠賢兼耕事場禾同俗謹方圓  
杯酌取適意紆肆無昔愆當階植葵榴穠艷亦堪憐  
賓客時屢至行樂鼓三絃擊牛旣不易烹飪有時鮮  
微醺步幽奧清歌凌晚川念子有佳興彰然詣吾吁  
並坐話茲事古今誰比肩皓首不努力世萬安可傳

於近山尚書莊上作

春風纈芳林虛堂翳脩竹苟愜靜者心寧慙世人目  
昔予懷此遊悠悠幾更宿豈期聯輿來沉醉卧茲曲



聖山集 卷一 七  
高歌嘆往蹤遐眺覽前躅主人古司徒雅興薄裴陸  
但能永今夕何憂乏醅醪

哀王朝列

先人寓南都朝列實所厚素欽清淨懷豈但通家舊  
博才與世違高風迴難囿挂冠國東門饒稼讓西墅  
仰幘望天雲扶筇步孤嶼自謂羲皇人豈但貪可吐  
隱居四十年仙輿竟長舉松栢翳窳窳敘述徧寰宇  
微辭陳久要匪直慰儔侶雖乏桂酒陳或擬吳陵糈

哀王中憲

中憲有後才我自童子知詞源瀉三峽豪氣凌九涯

少年取高第條致清要司糾謬竄群枉問俗正 皇  
秦越及幽冀至今常見思驚風無寧翼喬木有膠枝  
外臺早見擢長意浩無期勁節挺不改直道耿難馳  
遊屈萬里翻名遂千古奇往哲俱如此於君何復疑  
敬讀復齋稿惻愴有餘悲

聞表弟閻四溥下第

抱器苦不售茲已經十年三場吾所羨數科誰可先  
浮雲白日遠傷情岐路邊衰首待佳節理翮僑晴川  
志士古不掩蒼天終見全何日澣西曲與汝暫留連  
悲哉行



對集  
拭淚坐永夜角聲一何悲羅浮有心事欲語復思惟  
徘徊掩鸞鏡迤邐卷羅衣初爲君家婦貞潔有容姿  
今年二十五不意被君嗤娶妻以嗣續豈如陌上兒  
問君後房妾詎不知令儀熙陽萬芳啓嚴寒忽凌斯  
節物尚改革人事奚見疑微辭陳君前寒暖君自知  
願言欽令德毋爲後人疵

短歌行

擊鼓會佳客秩秩滿中堂齊娥揚妙音越女奉徽觴  
良時不重至此樂亦豈常倉庚枝上鳴鼠婦來我牀  
節物日以蹙人事安可量感慨立前楹翫月步周廊

形物外二十年禮法之士未有弗疾者貞夫則何取  
於予哉居數日貞夫北行畢使後二月復過訪予明  
日值予病與予弟德充眺黃山覽武川訪郃墟涉澗  
子窮慶善之繇歌生民之雅其興翩翩然矣翊日予  
病小瘳方能以醴酒酌貞夫則南充任少海氏適至遂  
同坐夜分而去約以明日同過潞西值雨大作弗果  
夜仍同宴世爵堂焉貞夫少海世之二雋又爾相值  
誠亦奇矣明日貞夫辭予行予觀貞夫悠悠然有逸  
思焉於是握手語貞夫曰今士大夫尚浮名而趨末  
務偶善一詩成一文則矜炫馳肆日無全物卽上追



屈宋中駮班馬藝而已矣况摹倣標敘文實俱鮮此文士之鄙習非國士之鴻操也

國家以崇官好爵養天下之士者恐百姓之未安萬化之未洽也若此何耶貞夫論事滔滔萬言條理罔謬厥存逃矣夫揚休烈道情性古之人莫不用之而予意則苟求其志而已詩曰言志今之爲詩者果言志否耶夷觀而試省之則思過半矣貞夫往哉野人之言欲無負吾貞夫爾非方居而忽逃也貞夫曰此予志也遂書以贈之甲午八月戊戌序

楊氏族譜序

昨日一何壯今日一何危展轉意彌劇惻惻遂心傷探壺取旨酒斟酌夜未央嗟我同懷人戒之慎勿忘

良覲

良覲匪人意奇遇良在緣感子有孤抱酌酒暫留連子雖倡家兒美目芙蓉姿流黃翡翠帶纖腰楊柳枝一出萬芳歇皓齒齊冰珮但教四座驚詎知清歌發邂逅特俄傾自覺千金輕我雖遁世者因子有微情雨過小亭涼美酒鬱金香夜深不知醉徒倚據胡床

思歌行

樂事弗重至好會難屢常當杯不歡飲其如後者妨



有田不種粟有園不種桑坐待飢寒迫空令聞者傷

易歌行

良時苦易失好花不重芳  
襄首待富貴白日忽無光  
有酒卽斟酌尚恐臨事妨  
如何市井徒心志不廣長  
儲金望成埒積粟望成岡  
志願雖償愜歲月安得常  
力瘁神乃去枯然斃中堂  
有粟不可握有金不可將  
平生豆羹較况肯厚死喪  
肉爲螻蟻噉妻子無憂腸  
結交邪枉客志意各飛揚  
馳馬復鬪雞絃歌夜行觴  
百事比先健行步如雲翔  
景屬此曹好事留居者愴

寄伯循

秋風西北來偃蹇坐茅屋  
四壁無纖塵當牕有書牘  
不問作者誰啓牕再三讀  
一讀意已駭三讀見衷曲  
憶昔年少時心志各有蓄  
不意謬通籍先君被薄祿  
朝夕望君起如彼饑者穀  
我已罷館職君方徯官祿  
味苦不可人旋車亦何促

主上堯舜姿舊章理當復  
平生稷契心豈爲世情覆  
尚期謹藥石慰此百姓蹙  
予也素寒劣茲志每中熟  
屢犯涵遜懷幾構邪罔獄  
顧影苟不虧於道果奚辱  
山水性所嗜喧恢豈吾欲  
屈指君歸來三年但勿倏  
人生不滿百激勵在初服  
可似山中人忘機泛醞醑



聞用昭至

五月與君別十月報君至呼童覓濁醪選伎翻銀字晝短秉  
燭遊同君莫言醉前日仲秋節有客過談事知君在岷州不  
謂遽旋轡問訊還自疑欣躍清莫制君詩甚飄逸彷彿等賓  
戲此行已云久吟作定千億坐中探囊出令我快心意

用昭東歸華山率爾有懷二首

鳴鞭指華麓欵駕越涇川逸興旣滴蕩麗景忽見遷  
醫翳南山齋遲遲西堂月絲竹滿我前清商與誰發

其二

十日忽言別良晤何時再握手坐君堂如飲雲中漉

披意唱新語傾夜理微辯開牀八動成趣何時忘令儀

示昭胤

勵志貴青春登途謹康歲篋十可爲山所戒在紛戾  
努力不自茲老大竟何濟

有感作

曾參不殺人魯連蹈東海志士各有懷肯爲塵氛浼  
細吟獨漉篇長歌揚之水采菘似首陽山吹簫洞庭匪  
但使心意舒何憂世瑰磊

騎馬

騎馬新塞西乃經太白廟長嘯不顧人木末見雙鬣



大尹迎我入咲指坐傍竈今日接官早腹枵如火燎  
漉粟煮此粥不意公遠到呼僧昇案來共食莫相請  
此方水固甘飽食無所淖須臾值村叟向我有所告  
去者已莫追釀陰况寒峭不如且還家翌日更投造  
因之呼叟前幸挾沽酒鈔速爲烹兩雞杯盤勿囉噪  
酒具起將飲從者喜相報博士金與楊下馬並登眺  
大咲挽同入豪飲趣誠妙恒陰晦皐陸淒風動穹昊  
遐矚旣靡伸長歌有何較惟知相聚歡寧思酒力傲  
釀法本西域簡易乏精料初爵且猜嫌率飲卽奇奧  
諸公大嗟異野老喜相勞慇懃再舉卓尚有願終效  
興遠百慮空茲飲真所樂倉卒探騎來使君至非寬  
諸公乃西別五馬亦東蹈

讀史

鴻雁不老越蛟龍不潛岡平生志嘉遁佐儲抑何狂  
因嘆務光輩惻惻令心傷傳記尚溢美其言或荒唐  
嗟彼高帝業赫赫繼三王孺子安所見胡爲遽辭商  
契會視豪傑出處聖所詳感嘆擲其策願爲史臣俎  
天邊有黃鵠高飛一千里烈士耻庸節世事特敝屣  
朝辭上東門莫從赤松子感慨風雲期超悟往還理  
進旣有所因退亦何所倚獵犬貪兔狐不免灶傍死



富貴多嶮巇英雄如螻蟻所以明哲人窮達重狗已

寄溫民懷

幼小擅文墨老大轉崎嶇相逢金臺下飄飄神仙質  
當時各輕忽領會未周悉但爲語咲喧未究風雅實  
謁來坐幽壑默默思往日始知逸興多允哉予所匹  
去年季春初君來過蓬華情與千里先會以頃刻失  
雖承枉書札心竊負羞慙時我在羨陂嘆息使心慙  
緊茲十年別朝夕宛如一秋雨賓客踈翻書檢名筆  
緬惟君子義不語但首疾丈夫蔑小嫌英雄重身畢  
憶管京華秋慷慨難具述鴻毛視富貴萬類若捫虱

自矚六品官有如水中滴增之旣匪多減亦豈爲絀  
唯君知此心往往談道術並轡長安街大咲騶隸吠  
戊辰抵丁丑倏忽周歲律狂歌窮谷間可爲形影恤  
有時挾名姝有時理琵琶但恣飲酒樂惟恐韶華汨  
譬如籠中鳥得放返巢窟豈有依世心更爲稻粱出  
輕薄眼前兒迤邐生啾唧忘議千萬端噉噉口如篲  
小兒本多事難以遽麾叱寄君聊共嘆世故風馬逸

至終南

泥濘抵終南迷蒙失山色指點太平宮崔嵬白雲極  
不暇自抖擻冒雨且綜核馮高矚村落嘉樹萬重黑



此地素靈異氣候故不惻旦日雲氣消嫩碧競寰域  
絳草彌望浮波光與山逼迤灑白鳥來滌蕩千慮息  
宿性喜丘壑躋攀易筋力深秋事佳遊長歌厭輕默  
早晚幽卜築終以卧斯側

望神林寺

流潦浩無盡寧途安所窮驟輿捷若羽鳴泉倏千重  
招提靄曠陸烟火鬱脩龕停駸慨將覽鞅掌那可終  
何能載玄鶴逍遙隨園公

西巖村

已達西巖村忽見郝村樹朦朧日未中慘淡昏雨布

積潦迷古泉白楊愴新墓華落不再揚景謝豈仍駐  
所以遊賞思遙遙橫寐寤龜勉甘水坊彷彿空翠墅  
咲語計宵軼瞻眺待朝曙心悰苟終愜何須怨遲莫

送桑華州

管予抵華原中道值暝黑嘹唳寒鴈鳴縱橫亂泉惑  
僕馬具飢渴堦岸復傾仄葡萄赤水東惴惴虞寇賊  
前埃雙炬明鈴柝甚嚴劾所過輒與同詣郡但頃刻  
頗爲使君意爲我夜行役問之道左云三年守斯則  
感嘆英邁人徃徃有高識前年張譚徒憑陵省城北  
官軍多覓傷行旅况蒙忒日日抱茲意欲語中自嗇



近逢使中歸云將上京國篇章錯金采名家畫枚植  
愧我踈放久臨楮懼輕卽

天子龍飛初博念矢文德司功皆碩卿明揚必精特  
以君卓犖才清要立可得會當叶

聖懷不久延

崔寔何不紓素心永慰下民色

贈彭尚書濟物北上三十韻

明興十三紀逖德比殷周歷世具徽美奉天無罪尤  
孝皇昔在御四海有餘休深仁被遐邇邇厚德孰與侔  
毅皇帝聖智天所庥雖有群豎狎尚匪新政羞  
諸公大之理怒目如電遡遂使蹇讓禍幾爲宗社憂

瑾未遽澎湃寧彬遂紛浮骨鯁日踈遠昌言誰見收  
功德反摧挫屠沽皆列侯大起疆圉事巡幸經五秋  
豈但轉輸苦尚多羅織愁逮繫盡九族勘覈無一讐  
天下若鼎沸誰能善身謀仕宦自相好山林皆寄囚  
未可保朝夕况復尋勝遊我

皇起南服魏魏舜禹儔

立斷四凶死倏建萬世猷勤渠覓元老奮迅康八州  
詔書許更始生靈蒙溢休夫子臯夔徒素心景伊周  
窮居志萬古勘定几幾陬青史不輟紀

先皇仍見優

勲康塞人宇簡在蓋天誦感公過相訪愧予隴菴流  
安能達大雅聊以序民幽黎婦不恤緯君子宜有求



摩遊既感慨莫節應曠脩吾非兒女子安用歌別謳  
聞德克弟左遷消息

吾弟恭謹士乃與浮薄名謫官古嘉州山水愜素情  
宦途古如是庇垢隨毀生所以豪傑士往往返農耕  
七月見報至不料有此行蜀郡唯此好百姓况淳誠  
敷化有玄理圖政宜嚴明暇日省阡陌因之問和賡  
丈夫處人世大懼身靡貞循躬苟無媿放逐何足撻

間居詠懷

窮居無別綜掃徑揖清靄濁醪自斟酌幽花復芬馥  
雖微恣性歡亦鮮迷津慨寒虫相續鳴潦水參差沛

節物漸以更人事紛相代倚彼巢由徒嘆音昭物外

德克弟至作

飄飄神仙姿悠悠燕秦道飭車纜幾時來慰孤抱  
烹羊醜新酒朗吟對穹昊苟遂酬勸歡安知詆叱懊  
烈火鑠良金光燦久彌耀南園松菊長不泝蒹葭老  
且將終日遊續我蘇門嘯

清溪老人歌

托廬楚山下復愛楚水清因為清溪人常歌清溪行  
激波澗朝霽玄湍澄夕泓理靜百穢徹道在千載貞  
前流遠彌匯後泓長且榮採花服初始沂瀾欽晚生



願申得一勸永保世萬盟

喜雨

經春雨不足二農滋百憂麥豆望中盡黃糴千里浮  
驕胡亦不刺且復圍兆州撫院飛羽檄郡縣急徵收  
具審溝壑斃安想丘園遊辰與忽炎煥日哺乃滄流  
一承優渥惠千室盡歌謳租庸野人職敢訟官長羞  
但願風雨適畢力事田疇趣觴酌田租廢以答民休  
長寧望先筮作示諸弟

迹哉世德烈遐矣徽音暢及予蓋九葉遵道敢孤曠  
難微宋臣述豈有馬生誑冠裳西冠雍文采遠慙向  
松楸麗茲原芳馨載宿鬯車以久方白德顧遠彌亮  
鼻祖履何長遭時實駸駸雖抱風雲姿聿敦畎畝艱  
洎我西原公造詣益高尚蘊博陋邕峯光霽跨籍瑒  
裔視鄒魯真德校務隨妄再世具敦穆流慶殊豐益  
明初生達人康濟古無讓旣樹宏遠規復慎豐亨嚮  
勛業動神后名德懾虜將因心謝茅土遜志抑浮浪  
逶迤及茲辰瑰瑋未凋喪食粟思天功爰履念哲匠  
昆弟各有懷箴組匪吾上惟能樹德音斯可副玄貺  
翼翼以寧乃狎波以激斯宏國之千祀延宗鮮百年光  
譬言如西頰陽轉忽見悽愴倚想平陵侯傳世一何壯



封拜歷累代烜赫據光望荏苒至皇明安能識侯蔡  
成衰本天道昭格良有况拔木不再榮德炬鮮重炕  
殷勤告來衣固龜勉責昆行願言諦茲篇用述吾宗倡

命歌

汝本荆楚人解歌燕趙曲隨奏有餘音輕重意俱屬  
我自六月來苦被炎暑酷心煩百慮麾况乃對醴醕  
得汝中呂章懊懷頓如劇今日秋氣涼襟懷鮮拘束  
撰此仙呂宮大要愜所欲汝今爲我歌予今諦空谷

見德克弟書

憐爾妻非人遠滯巴子國素心仍起羞志果安得

此曹久麾霍睚眦動成慝何若返南川同予醉秋色

往盤屋訪王子明叔作

駕言詣春衢南往遂良覲嶺雪旣消散惠風復披謁  
羲陽啓朝輝垆野喧牧笛豪遊意益暢嘉賞事方迭  
撰杖陟崇原載酒望迴壁懷人志丘壑夷險久經歷  
豈卑平子吟聊假毛生檄隆念困靡革德音近逾愁  
采苓南山陲弭節聽泉激期君畢莫春庶以慰孤僻

於明叔解東亭子燕作

嗣歲集高陵良晤傾古管今晨燕盤屋逸興更超奕  
雖無絲竹陳幸對風雅客酒酣幽興發至論竟何射



對山集 卷一  
子本素心人抗志陋鄒嶧蠲潔物莫染磊落俗豈格  
娛言念久要百歲以爲獲

整屋喜太微至作

此日復何日眷言會君子方擬躍馬尋忽心焉具來止  
來止將何爲握手論文史春城沽酒佳斟酌一何喜  
普緣古仙遊山水嘉無比若賦南山篇請君自茲始  
馬融洞作  
昔賢托茲室討探故高尚清泉室外淙縈瀾壁中漾  
徘徊坐石側慙慙發幽唱白雲忽心若飛青巒益脩亢  
何能棄塵氛卜築西巖上

石上小酌

泂流歷層壑攀蘿下廻磴雖有芳草心未博遠遊興  
沉瀟愕中流截業但旋徑酌酒坐石上夕陽更輝映  
薄言呼兩君音響動相應始信空谷聲果叶靜者聽  
酒酣連袂歸悠悠心靡定

許西喜明叔子孟獨二君子至作

我本支謾人嘯歌許西曲心喜談道術性憎傍塵俗  
二君英俊才世事豈拘束同遊終南山文采奪人目  
數日返墟里此意常在腹因念蘇與黃聲臭一何屬  
我有輞川吟鄙近不可讀請君勉和之求爲此行馥



漆川西泝別張子太微

送君漆上水忽見太微峯勝遊苟如此佳期難重逢  
君今入盤屋且坐五老峯待予明日至同與玩仙蹤

發車

飭駕詣脩陸乘和訪幽徼匪答阮氏招將追碧山峭  
積歲苦囂紛芳春忽登眺志意既參叶心賞故俱妙  
雖微盤谷吟聊嗣豐陽嘯

下經臺書土地祠柱

昔同王子來坐此眺林谷今同王子來採杯坐樸藪  
良觀無所乖佳興益飄條悠悠西日沉倉翠奪人月

於土地祠迴磴望太微峯

陟巘下迴磴夕陽試拭目迺矣發幽思翩然媿塵俗  
激泉暗松濤惠風龍襲春服因嘆支謾人世事安可鞞

上善池碑陰走筆

一登老子臺佳思忽萬里降觀上善池野坐彌可喜  
同懷旣靡行心橫飛安得止東谷古仲雍太微近平子  
慙慙通璫章磊落動幽思龜勉事追逐倉皇媿迂鄙  
感此冲抱清益令虛襟起旭日鳴煩禽春風發芳芷  
中情何所撓逖景尚堪倚繫彼逍遙篇慙爾柱下史  
寄題高德微齋



達人志玄閔所蘊故高尚發腴見烟迹耀靈觀幽報  
往訓從古然近思匪今諒昔遊懷德音邇會服佳量  
安得坐君齋惠言削浮妄

同楊宗文張用昭南齋小酌

幾年滯憂否嘉賓事彌薄覽君芳草篇益想雲安作  
旭日發青昊遊蜂拾花萼張絃動微吟含杯總堪樂  
願言盡今夕且示許西畧

遊觀出園

嘉木蔭高墀遐賞適茲辰覽景意如挾矚物思彌珍  
雨時群植茂氣爽萬慮新瓜瓠溢畎畝葵藿滿庭闈

飯糗願豈革伏櫪志先馴苟無采薪厄尚勗脩更論

示習方

汝母我之姊同胞無別親不幸去年死箠箠惟汝身  
汝父既早沒汝依當何人數數與汝語令我淚沾襟  
汝性頗靈慧力作何不勤青春易凋喪歲月良可珍  
汝能事卓立非止裕汝屯指名爲令士汝親當見伸  
何苦逐遊行弗肯志討論撻之尚不易况乃頰舌云  
汝祖好男子豪爽多譽聞辛苦教汝父冀登要路津  
汝父乃不穀漂蕩成苦貧幸以汝母故托居我南隣  
黽勉相勸諷粗能禦寒温謂將致興發豈意掩泉墳



遺汝無寸土汝母復長淪近日乏良吏役賦甚紛紜  
富者尚難理貧者安可徇不見擡輿者四體如火薰  
不見負輸者鎖桎令肉皴我年已五十豈得常逡巡  
作詩以告汝請汝書諸紳

於高陵壽明叔初度

爲薦呂夫子因之涇渭川中道遇來使慙慙山素編  
久知滯王役不謂會此塵晴春懸明月惠風乘遠天  
木末雙輿至迎我城西阡握手丁但相咲恐是夢寐然  
宴我旅人舍坐我紫榆檀童子出名酒飲如鯨吸川  
呂君賦葛藟予具南山篇

過張子西齋草堂作

中歲喜山水結廬傍太乙旣得物外遊復遂桑梓實  
旭日薄西林蒼翠隨覽衆因慕靜者心河華訪親暱  
迤邐詣茲曲奇奧難具述嘉樹方葱蒨舊崇巒更翠嶺

過張子西齋作

自予抱幽戚三載鮮存眺春日忽言征聿底滄洲妙  
柳色參差生芳意遠近耀張宴臨谿波彈琴遍清調  
惠風當襟懷遊賞恣舒嘯匪效蘇門狂將追虎溪笑  
少日牽王役結綬事廊廟粗直雖見稱齷齪果成誚  
盪稼許西曲探奇歷幽徼嘆君本素心晤言希久要



長安卧病

積歲之愉情中道值新疾省運誠有愆撫躬良未密  
親友念久睽相覲肯輕畢開燕集妖冶揚絃奏瑤瑟  
淑音旣纖柔醇酒復洋溢中性欲蠲飲難可遽揮叱  
陶生止酒篇稽康養生術徒切恟恟憂未究裁省實  
天命倘不乖吾去小有室

病起

攝生乏精理沈宴櫻厚也親交幸相慰稍稍就盤殮  
少日志夷曠中歲辭帝閣自謂富筋力足以責丘園  
擷英浥流瀨登巘望朝暎聿覽九嶷瑰兼躡崑崙雲  
河華屢經涉韋杜時振援薄緣竟終患邁思往無鞭  
緩步庭除下麗日照西原蟄虫相續飛客亦造重門  
咲語雖可挹拍塞竟難云明發具春服庶幾試匏尊  
志願果不抑留滯何足言

晴

此雨已經月積陰數難悉况及仲春初沉沉若冥窟  
天道黯莫曉人事邇堪栗展轉思古人憂來卧蓬華  
泐隙發微暉過午見烟質喜已憂復生雲氣倘再失  
神鳥不自翔陰翳遂驕逸願帝命風伯掃蕩耀茲日

夜遲伯循



對山集 卷一 十一  
夜深候客來客亦竟不至徘徊歷階除展轉使心惴  
呼兒課古詩探杯覓長醉翻令憂思生耿耿不成寐

答仲木

適性卽爲樂處安寧然貧客來遺我書乃在涇水濱  
再拜讀此書道意何殷勤昔爲鸞與鳳今爲參與辰  
相思千萬端縷縷難具陳空江雲蔽白日遊子殊苦辛  
道遠行不易感惻傷我心

送承裕

雞鳴日未旦君子欲遠征徘徊執我手慷慨有餘情  
逝水咽不返後會安可似行人盼前路斯須聊屏營  
良晤旣靡易壯志當見明秋花各自好會室誰與楨  
憂來夜不寐揮去怒如橫希聲已寡和芳意安所傾  
願秉清忠節與世傳令名

十四夜見月

城上流清輝照我清桂窟坐久忽思眠柰此筵前月  
秋風吹我衣依依幽思發客散坐中庭彷彿見珠闕  
惕然感故懷達旦意未歇蟋蟀相續鳴蒼苔白露滑  
素光千里同佳人隔秦越豈無琉璃杯心腸爲誰竭

初雪有懷

寒風翻雲氣雪片漸細微忽忽抵簾幕冉冉近人衣



已深博山想更念剡溪歸安得孟夫子同眺碧山磯  
周覽咸以暢遐思無所違所期竟不至城頭亦落暉

首山行

我從華陰來逢君長安陌長安車馬多客心苦逼迫  
感君夜沽酒翩翩話疇昔倏然若翔鳳萬里寧可搯  
世儒正齷齪從誰覓風格首山連華嵩古謂黃帝宅  
君固首山人結廬值其脉佳宦縮銀黃素心羞烜赫  
恨不策杖游馮高倒巾憤激泉引綠水微歌坐玄石  
但使幽思成肯令芳意隔昔在京華日羨君神氣澤  
頗似仙人儔邈與世氛革瑰志終靡違烟操竟難躐

因君起求嘆豈是山水僻聖化被流沙萬彙具豐溢  
均彼適性歡敢念別群惜歲月同逝波生理異鴛鴦  
碧樹茲已長蒼苔豈如繹會當詣嵩麓因君訪周易

答桑華州

桑君英妙人恨與讖不早脫穎豈性成豪爽蓋天造  
再會益瑩瑩故言皆了了眼底似君稀勉旃爲世瑤  
半年下山寺乃趨坊里道所過六七村村勝城堡  
柝聲遠近連人家氣色好共言今兩年懷抱絕不惱

仲木至夜坐作二首

我前抵華原訪子雲槐舍偶值何仲默清談忘晨夜冲懷世寡知



繁文俗方化芳臭不同科辯別每未暇群口雖見珍私心竊常訝  
莊生吾馬云其見豈欺詐後會王敬夫飄然契茲話乃欽五儷眞  
益陋杞妻下澗西春酒熟南山翠如射明日會同君細看盤谷畫

其二

許西勝鄭谷山水多佳氣清渭自西來秦雍實經緯  
參差太白峯精靈日騰沸以吾鮮儔侶無能悉充尉  
西南跨橫渠崎瑰千萬彙碧樹翳丹日流水夾高墀  
仙遊說經臺神物所藏甜紆迴若龍蟠彷彿擬虬螭  
名山不避人肯爲賢拈口諱子猷雪夜歸適意以爲貴

世爵堂燕仲木

先人昔匡濟古帝重其勲因心謝茅土遜志遵典墳  
懿扁比鍾鼎宸章茂天文輪奐豈無自輝燦聊有云  
感君再相過致意甚慇懃坐君此堂上高燕日將曛  
彈箏復擊鼓賓主有餘欣所欣道義合不在俎豆分  
日月如逝波聚散等浮雲青春不努力後世何以聞

園林瞻眺同仲木作二首

古意世方疾太音人和稀豈不逐群好孰與賢達違朝遊三時  
原暮宿唐山磯感此榮悴異已悲馳騫非所以素心者見之  
心每希灼灼園中花撫撫南山薇及茲不努力老大將焉歸

其二



膏雨旣周徹田工粗可期  
龜勉命童僕籃輿詣東菑  
欣此莚麥遂坐令芳意彌  
業歲均豐衍行樂值晴熙  
况與良士同更慙山水思  
擊筑發古調彈箏奮新詞  
夜以繼白日瀟灑孰可追

湯泉道中二首

客欲趨湯泉東過橫渠里  
嘉樹蔭碧流山色鬱蒼綺  
昔賢桑梓區靈異故如此  
循原陟西南地脉益豐美  
瑰岩與天接風庭前鳴水  
始誇渡渭懽詎當覽山喜  
烟雲迷太白奇奧若天秘  
行行發浩歌山靈定頃耳

其二

君遺我書今日定晨發  
直趨槐芽渡乃至湯池榭

當行復西望禮輿過倉卒  
策馬恨不前人影更出沒  
尋芳酬素志登山試仙骨  
相期載酒遊可令後至汨  
覽勝襟自開源窮意未歇  
共君吹鳳笙山頭弄明月

至湯池

曩聞湯泉水滌蕩百疴已  
我未至此泉懊不具雙翼  
躍馬到泉頭殊與所聞異  
腥穢殊惱人窄狹安可視  
道遠行來長飢渴敢輕易  
須臾李與王鳴鞭兩俱至  
見我坐廟門頗謂有佳事  
坐定問池所掩鼻疾呼嚙  
樹杪餘斜陽僕夫半勞悴  
但欲去此區奚以遼遠忌  
此水固澄徹涵春抱靈秘  
往者縣官賢脩飭各有次



分別既以乖守護遂紛貳苟爲居者勸安知遊者避  
作詩遺後來不可遽相棄

謁橫渠先生祠

春遊及名里齋沐升闕宮辨香拜祠下披塵想儀容  
嗟嗟此祠宇赫然在關中滿謂有脩飭豈知翳蒿蓬  
殿古瓦半落臺圯甃全空迴轉戶牖斷騰沸虫鳥哄  
先帝昔在御孳孳欽正蒙手書西銘篇所在各一通  
相距五百載此意誰契同康世縉紳重片言摧華嵩  
安見體聖意稍稍事尊崇我曹忝末裔脩復寡力工  
瞻望雖感激無以障頽風明發謝祠去太息傷心衷

雨中懷仲木

盤屋忽言別中道各阻雨我醉野人家思君死如覩  
意君渡黑河波濤涉亦苦茅次苦覆踈處處爲漏侮  
不知雨中輿何以作仰頽黑雲屯若膠奄忽勢如哺  
比至祖亭宮僕夫等囚虜素愛山水佳翩翩出涇許  
驅車歷武功亦僅至郿塢黃氣翳白日何曾覩青蛄  
滿謂抵終南逝將宿玄圃久客供給踈所至抄市賈  
徒有村酒來天道可逆數泥滑水沒漆自諒心已懶  
一別倏五日雨勢益熾武跬步未可前况能至古廓  
展轉爲子憂道遠那能顧懊此溷泥途幸值笑談伍



但取杯酌歡且勿問譚府

楊子寶穡堂

中丞返田里所寶但稼穡構堂顏令名欲自食其力  
此意甚玄遠世人那能識登堂再拜君服爾有孤特  
昔宦侍承明累官盡樞闕詎乎神鬼欽語出姦貪懼  
今日桑梓間竭力事溝洫甘糲沮溺徒耻並王貢惑  
遐見超古今烟節邁典則君子愛初服烈士貌穹職  
所以豳風詩務陳周祖德

贈周評事

法令久不信豈繫民庶愚秦民素守法有令易承趨

自我返耕後所見與前殊冤濫在在是豪橫溢鄉衢  
朝廷不能禁官吏若蠅蛆聞君持節來閭閻仰天呼  
我因感此意恨不覩輶車笞杖非大故連歲係囹圄  
不知九宇內長此胡爲乎卓馬君且去安能暫踟蹰  
作詩陳清風庶勵君子徒

有懷于鵬

于鵬念吾哀涉遠事臨慰愛子倏天札百情實騰沸  
賴爾三日留始能辨酒味境逆心已傷形悴志奚謂  
君固江海人樸素昔所貴坐嘯見微懷吐吞有奇氣  
乍別忽相思迢遙隔清渭



聽雨

達旦不成寐，卧聽秋雨聲。雨亦竟不歇，吾意何時平。  
 前年秋八月，淫雨百穀盈。禾稼盡腐黑，况云屋圯傾。  
 此雨復彌月，巖崖千里崩。不知上帝意，豈欲移蒼溟。  
 吾生殊坎軻，一紀事農耕。兩田俱不稔，百口常見嬰。  
 奈何赴庸調，已欲樵棟楹。老妻向我道，但坐且勿驚。  
 人事尚莫定，天道寧易明。脩短有恒數，豐歉惟所丁。  
 牀頭有美酒，馨香盈玉瓶。君姑自斟酌，可以助頽齡。  
 醉卧忽將午，此物方雷鳴。

張生之槩自華西來，省予與之開尊夜坐，辭以辟酒數月之槩，少年英妙勵志若此，誠已罕矣，因賦詩贈焉。

勵志古猶鮮，嗟爾英妙人。超然契神理，謝此麩米春。  
 盛時富遊燕，員齡當令辰。但恐樂不滿，安知中足嗔。  
 所以賢達士，寸陰日以珍。張甥出名齋，磊落吾所親。  
 奮迅異往哲，慷慨懷先民。述此止酒事，言辭皆絕倫。  
 彭澤雖有作，徒以愠同塵。豈若慕宏達，精詣吾道津。  
 事以久乃定，節惟中路屯。願言未初服，白首以為真。  
 寄北山子，嘆仁瑞事曲蒙其處。

仁瑞坦蕩人，其氣格萬里。識見隘古先，功名若敝屣。



對山集 卷一  
作縣揚徽名翩翩在人耳奈何姦狡徒因私事詆毀  
誣以要清疎敢昧鬼神理徃徃立談間桓桓髮上指  
吾爲仁瑞憂桐易割豚豕尋復得公言一咲百怨已  
仁瑞固未知彼尙益優視吾亦愛俠者因公自慙鄙  
近者名大夫報返殊莫止本以睚眦微忍爲屠戮喜  
延火焚崑岡玉石誓同燬天地發殺機幽明默以俟  
旣昔武惠王冠蓋及孫子我詩雖不長洞契徃還軌  
覩事懷夫君願言壽千祀

答都人

還車滄西曲半山含暝色朔風刺我衣欲止不可得

入城逢都人白馬啣金勒下馬揖車前被服甚奇特  
授我一緘書題識頗脩敕展書讀其辭耿耿亂胸臆  
一別十三年安知如頃刻勞君遠問訊况此常相憶  
習靜厭世喧冠冕志頗息秦馬不嘶越南鳥豈棲北  
野人各有懷所務在稼穡慙慙謝都人去去慎登陟  
得仲木書

天道杳難測其理固不易安車獲行心尤顛蒙返顛蹟  
感嘆懷古人中夜發百恚諸君况縉紳胡無矜憫志  
徒以睚眦微遂至絕噍類哀彼二曲民妻子盡枯槁  
皇穹豈不照 天子甚靈異此獄若可成日月不



西嗟 祖宗建律令法制極周備守用二百年誰  
敢擅紛貳岳牧洞其情未肯破曲議近聞鎮巡者稍  
稍有規避往時咎杖微尚欲獲所試此獄頗重大奚  
不辨真僞群公畏牽引談之具心悸狂瀾誰沸天吾  
欲直其事

寄德宣弟

哲弟絆王役相聞不相見已久省會居何時達鄉縣  
通衢車馬多名都廣遊宴雖慳趨者懷孰慰老夫面  
爾本江海人飄飄陋潘倩一別忽五年顏貌恐已變  
晨日白髮多宿從半如霰感時千慮逸撫躬百情倦  
豈無美士來欲語中乃宵聚以骨肉珍論以神理羨  
頌促河陽車早答江陵巒

贈曹慎之慎之前摠兵雄第二子勇猛能戰  
屢立邊功陞千戶以瑾誣罷余哀焉因贈以  
詩

君本貴公子落窳屠釣群咲語畫文采中豈無所存  
昔在弘治末朝宁有公論鎮西勢方起藹藹名播坤  
邊事陋頗牧指揮失吳孫漸及正德始聲華日暉曜  
縉紳蓋推服 廟堂多溢息令兄頗恢擴任俠喜  
扳援欲固漢室寵遂罹蔡氏冤逮繫盡奴僕幸荷



明主原謫戍抵窮域始終涉百屯愈深感激意累陳  
忠孝言始知將相種今古推名門感君遠相過陋巷  
鮮盤殮丈夫貴宏達安計寒與溫願君自愛惜

帝德如朝暎不日采公議授節斬烏孫刻石示西海  
炳烜慰先鬼卮酒不適口聊以申所敦清秋寡人事  
策杖步前村雖無絲竹奏喜見苔蘚痕殘柳拂高墀  
新篁凌貴園旣醉送君出勉哉爲世貴

送羅山人

羅浮有仙人觀子無乃是雙瞳炯如電骨相絕凡鄙坐我茅茨間  
慙慙話玄理相晤纔幾時策杖還吳天遙望白雲邊仙鳥速如駛

詠懷二首

悠悠不能寐惻惻與心違百歲若一瞬怨言長分飛  
結髮遡伊始寡帷念餘輝紉蘭坐崇阿調絃拂金徽  
志願各相許窀穸幸同歸豈期中道別空餘衾與衣  
臨風想德音當牕拭殘機往者旣莫諒嗣者安可希

其二

弱冠偶君子垂老被凋喪歲序非不長憂來若傾錫  
皎皎燕趙女靡曼色堪尚雜坐發素歌當筵奉清唱  
餘音流太虛宛轉復脩亮顧此胡不懽中情彌慘愴  
涉舟慕邛友斲輪憶哲匠猗猗同柯鳥誰能免惆悵



同馬公順渡渭

客自許西發下抵終南道崔嵬太白峯依稀挿晴昊  
雨過山色佳彌動遊者眺浮渭悞不疾惊歡每忘眊  
涼颼拂襟懷輕鷗謝鳴棹翠條夾岸垂脩篁隔垣掉  
昔慕武夷遊今縱普緣造恣生誠所希達素理非奧  
清秋灑氣橫節物自相劭幸陪君子驂益想登臨妙  
誰賦遠遊篇予當嗣其操

公順因覽途次禾黍喜之如躍自予返耕然  
才再見爾率爾賦此

艱食

帝所憂豐年經屢傳

皇仁敷九垓天

澤故恒眷歲始風雨時已卜百物善顧當仲夏初蒸  
陽酷如熯方抱枯槁悲立遂優渥願此禾隨以昌覽  
者具相羨拙官謝金閨還耕返鄉縣存存亦有年豐  
稔未數見今覲誠足權後值理應荐所無烽燧寧租  
庸勿撓變張紀慎苛罰秉公悉恹煉事脩效自長居  
和履當衍安能告有官計此勿遲宴

從象峯北崦下望普緣

陟山披叢薄覽景愜幽素降觀萬壑奉升平臨千嶂赴  
宿愛彌見欣新賞豁相聚未覩赤城遊彷彿興宗賦  
許西同明叔小酌



君縣若杯水豈能久留君孟軻尚淹魏仲連仍拒秦  
 黃豎小兒行赤口噴臙葷倚托要美利世異心每勤  
 往者不吳徒等信如典墳白手獲斗粟咋咋夸四隣  
 值君<sub>和</sub>相阻狂敲遂如焚曾母信投杼曾參豈殺人  
 所以丈夫志飄飄凌白雲匪但脫泥滓還欲劫大前聞  
 嗟嗟當途子此理遽難分

許西同明叔小酌

君從整屋來會予在鄉縣目斷許西曲阻雨那能見  
 風烟亂人日歷歷晴如公月同懷三四君契濶歲相荐  
 或趨金閨役或從野人但我歌世罕聽况問疝與善

碌碌章句徒遙遙空對面鳳兮咲仲尼<sub>陸</sub>羨江掾  
 薰蕕既莫知理亂故須眩酒酣拔劍舞宛轉疾飛電  
 今日胡不樂贈子心百鍊

送灤江中丞西勤

秋雨復如注旌旗仍赴西僕馬不能立杯酒那可携  
 公歸定十月山莊事粗沒新釀既已成嘉穀有薇蕨  
 即今搆小亭亭成竚公坐雖無絲竹陳可試風雅課  
 南山秋莫佳氣色清且翠眺覽既中愜嘯歌或幽邃  
 此役干國經天下由重輕古哲務成事今人唯釀名  
 往在十年邇邊諏太乏理輿皂皆所親毀譽出憎喜



雖悉延訪心紛亂若絲泉積今日益滋君子復輕信  
自謂根蒂獲豈有纖細近治邊如治鮮要在審其勢  
剖斷貴神速宰制厭牽係近聞甘泉城皇皇盡危懼  
主者諭不開倉卒何以計遠人遵訛言其情易摧曳  
片言崑崙摧轉擬萬夫斃公固豈弟人弛張有程具  
向既失緩急今日須砥礪同事六七公休休皆偉器  
當事必安舒臨機戒輕驀嗟嗟千里心顧此豈能白  
亦知匆匆堯微贈公與公擇

戲呈明叔

袖手挈巨鍾瞑目視穠色徒爲口舌語終作千古惑

君本霄漢才斂翼向茲域禿鶻常見幾鶻鷄復相慮  
西山有神鳳聞之心屢測苦口謂鶻鷄于汝豈相逼

姜君錫過予作

君家篆江側秀屏當戶開知是神仙人胡爲塵世來  
黃氛緇素車皂蓋冒朱埃以茲謝民役返耕白雲隈  
少小稽古昔中式得此階亦知慎官服柰與寸心違  
欲徃昧前筭欲止適成哀繫予丘壑士諦此良用駭  
因陳接浙義頗究蓬矢懷我固互相發君固耿難回  
丈夫志四海好念濟川才嗟彼長沮徒泛泛豈根荄

送大理西勘



雖采延訪心紛亂若絲泉積今日益滋君子後輕信  
 自謂根蒂獲豈有纖細近治邊如洽鮮要在審其勢  
 剖斷貴神速宰制厭牽係近聞甘泉城皇皇畫危懼  
 主者諭不開倉卒何以計遠人遵訛言其情為推戔  
 片言崑崙摧轉擬萬夫斃死公固豈弟人誠恐有程具  
 向既失緩急今日須砥礪同事六七公休休也傳  
 當事必安舒臨機戒輕驀嗟嗟千里心願此豈能自  
 亦知匆匆竟微贈公與公擇

戲呈明叔

袖手舉巨鍾眼目視穠色徒為口舌語終作千古惑

君本霄漢才歛翼向茲域禿鷲當先幾鷓鴣復相慝  
 西山有神鳳聞之心屢測苦口謂鷓鴣于汝豈相逼

姜君錫過予作

君家篆江側秀屏當戶開知是神仙人胡為塵世來  
 黃氛緇素車皂蓋冒朱埃以茲謝民役返耕白雲隈  
 少小稽古昔中式得此階亦知慎官服奈與寸心違  
 欲徃昧前筭欲止邇成哀繫予丘壑士諦此良用駭  
 因陳接浙義頗究蓬矢懷我固互相發君固耿難回  
 丈夫志四海好念濟川才嗟彼長沮徒泛泛豈根荄

送大理西勘



返耕厠幽壑服義屈高軒握手立斯湏傾倒見雄論  
 昔宦忘孤陋中路忽復屯負罪苟不死茲已含溢恩  
 踈懶循故性竟志紉山蓀感君縹緲意幡然謝前聞  
 殺鷄饌雕胡列坐開尊門斗酒醉方已徘徊昔日暉  
 今夕別君去孟冬定廻轅尚期撰杖屨共眺南山雲

許西莫歸簡蔣粹卿

野人許西役入城天已曠過署訪所懷候吏蹟先屏  
 逶迤返敝廬徘徊阻長詠終日相憶君君來雨復梗  
 住舍誠所難吳天固莫省中夜雨消歇微雨發晴景  
 旭旦開濁醪擬共東齋酌

封山集卷之一終



返耕厠幽壑服義屈高軒握手立斯須傾倒見雄論  
昔宦忘孤陋中路忽履屯負罪苟不死茲已含溢息  
踈懶循故性竟志紉山蓀感君繾綣意幡然謝前聞  
殺鷄饌離胡列坐開蕪門斗酒醉方已徘徊昔日暉  
今夕別君去子盍冬定廻轅尚期撰杖屨共眺南山雲

許西莫歸簡蔣粹卿

野人許西發入城天已暝過署訪所懷候吏蹟先屏  
逶迤返敝廬徘徊阻長詠終日相憶君君來雨復梗  
住會誠所難昊天固莫省中夜雨消歇微雨發晴景  
旭旦開濁醪擬共東齋酌

封山集卷之一終



書